

賴

古

堂

集

賴古堂集序

櫟園周公既卒之六年長君在浚寓書幣於友人汪楫以授寧都魏禧汪君再拜屬禧爲公神道之文禧受書反幣再拜而謂汪君曰嗟夫周公禧何敢辭公之生也禧兄弟無葭莩交公尺牘選自先徵君以下表章獎進者三世五人焉他日禧與公同客吳門心欽欽然不敢以布衣見既而聞公卒竊悲悼將歸山中舟過上清河持曾子止山之書以辦香入哭公而同舟人歲且盡不肖泊遂悵望而去至今猶不能釋諸懷也嗟夫周公禧何敢辭禧竊見古今當代貴人傳誌之文皆非布衣所作

往年家伯子以疾召禧於浙江之幕大中丞范公極謙下之嘗屬禧爲其太傅公傳禧逡巡以草野辭常州太守駱公與禧交卒其子以誌銘請亦辭今是以不敢雖然公與禧以文章見知竊請論定公之文宣示天下後世將區區報稱之心君其爲我復周君也於是益發公賴古堂集日夜讀之平生所未嘗見者凡十之六不敢諱其不文而爲之敘曰士之能以詩文名天下傳後世者有三資焉曰記覽之博也曰見識之高也曰歷年之久也記覽博則貫穿經史馳騁諸子百家書無所不讀言有本而出之不窮見識高則不依傍昔人之成見

不汨沒世俗之說卓然能自成立歷年老則積久而變化生攻苦而神明出公於三者亦既恢然其有餘矣然竊嘗怪是三者不絕於世而名天下傳後世十不得一焉其文章之傳固時命爲之抑自有故使之然耶禧伏處山中幾二十年出遊東南交天下之士亦幾二十年博觀深思乃始喟然而嘆曰嗟乎有以哉有以哉夫記覽之博如食者之餐稻梁啖旨饍也方丈之珍一食輒飽而無氣以運之則必積滯而生疾故博覽之文其不足傳者氣不足故也夫見識之高必不屑於人爲類然古今傳文有必異乎衆人之見者有不必異乎衆人

之見者不必異而必欲求異是猶濟澗淵者人安
舟楫而吾必泗水以渡踰崇嶺者人履徑術而吾
必緣峭壁以行也其不溺且顛者幾希矣故高明
之文其不足傳者好奇而不軌於正故也夫歷年
之久何病哉久於學問則其後將不學不問而囂
然自以爲足故古今以詩文名家者選選至晚歲
則萎爾荒悖盡失其故不好學故也而公則皆異
於是禧嘗覽公之文博極羣書而未嘗好徵引故
實以自侈其富筆之所至浩浩瀚瀚若江河之放
一曲千里而不可止其氣也如是每命一文必澁
思力索戛戛乎務去其陳言習見而皆衷於理義

無詭僻矯激之辭以驚世駭俗其正也如是公弱
冠成名年未四十隱然負三君之望沾濡膏澤成
一家言以表見於世者不可勝數仕宦旣顯且跌
且振名日益高而服官退食手未嘗釋卷延見布
衣之士相與諮詢議論聞人有一藝之長一言之
善則必紀錄而獎譽之不問其老穉貴賤大都僻
邑未謀面未通名氏之人如禧之父子兄弟其一
也其老而好學問如是嗚呼公蒙難而人樂爲之
歿公歿而天下知名士佺佺乎無所依歸豈偶然
哉其文之足傳於後世豈顧問哉武進陳進士椒
峰嘗攜禧家集過公金陵雪霽束裝行公謂陳君

曰且爲三魏遲一日發也吾方抄錄未竟椒峰卒
畱一日行嗚呼禧兄弟之文世或有好者先徵君
傳錄嘉言善行未見有人舉似其一二椒峰出故
冊則公所圈注筆墨爛然矣禧敘公文及此不禁
其涕泗之橫流也丁巳嘉平寧都魏禧誤

賴古堂集序

賴古堂集故戶部侍郎周公所著公諱亮工字元亮號櫟園起家河南籍其上世由江右徙金陵故今爲金陵人公中前庚辰科進士令濰邑治最召入御史臺觀察淮陽入閩晉都察院副都御史擢戶部侍郎會督閩軍者前銜公手版不來羅織公詔獄出之外臺歷任青州江南道又誣染糧吏胥案嗾罷公公自通籍官階至中丞侍郎不可謂不遇矣無如惡公者之必嗾罷公而又不幸以死而當世卒不能究其用也或者曰彼嗾公者其快於一去公而已顧不謂公死也而造物必死公以大

快去公者之意造物者之於公固薄矣乎余曰不然人之得年與祿位於天其脩其短其膺其辱皆有盡之物有幸有不幸焉尋常之人幸而康且壽且躡至大官而已耳而卒不能保其恒完而不敝長享而無窮及其盡也飄風腐火而已耳莫莫者果有意乎哉若夫非常之人縱之青蠅豺虎排下而進上又其甚者倘佯山水著書密娛放飯決肉者百年亦致足豪也而死又繼之莫莫者果無意乎哉余乃今反覆於豐此嗇彼之數而知造物之厚公者蓋在三立之說焉太上立德次則功又次則言公所至官活人數百萬其自閩逮而行閩之

人炷香號哭追送數千里非公德之人人深耶今
之閩海山萬里天晶日明降旛貢舶螺紋可數也
襄固指邊海遠惡處以昇公公固遠於置數萬甲
兵於胸中也公至劄以雕勦收餘憊而往哺之脫
微公其薄而破也幾城其穿而入也幾隧其激而
畔也孰弭是其收而定也孰撫是顧不謂德功之
至巨者乎

天子業知公能方大用而信信者口代劍刃興大
獄至蔓數百人從公對獲輿大呼公精忠無罪羣
口同牢事乃得白司枋者猶令鑄級行於彼有佚
罰焉余益追敘閩事以爲公德功之至巨而禍至

烈者人之惡公中於此天之厚公決於此而此後之升沈吾不深論焉何則夫人有所惡者必先有所忌有所忌者必先有所畏公之德功憲憲在人耳目又

天子知公能且大用畏生忌忌生惡必快於一去公而已當是時固不暇計公之去而其言愈昌也幸而設窞下石之時固不留意於篇章著作之間不然守尉則已燒不然革除則已禁亦幸而設窞下石之人其所甚惡而急者在彼而所不急者在此於是相與急公功德因急公官急公官因急公之一去而不復振而不甚急其文之著也然何可

謂莫莫者之果無意哉公生而德功立公死而言
又立公死而不能禁其言之不昌有號而讀諸其
側噤不敢抵噉一字或因而擊節心瞿氣沮而自
悔昔之云然者有矣又况後數十年而凡畏忌公
而惡公者其獨能以久視息乎皆歸於無有而已
矣而公之文炳然獨在將與日月爭久長凡得附
名於公文者尚亦與有榮焉而顧謂造物者之於
公不厚乎公貴而坦然襍易喜接士一技之微及
其門獎借不遺餘力被論家居如觸於虛舟而遊
於太空了無著於公也古之博大真人哉今雪客
兄弟釐其自作詩文刻爲賴古堂集他所著書別

行焉雪客謂余曰先公雖喜接士然樹文壘甚堅
顧輒開一面納子子有言以序先公先公或不吐
棄乎雪客命之矣且附名於公文者尚亦與有榮
焉因抽論閩事繫公德功之巨者而終之以立言
云虞山錢陸燦頓首書

賴古堂詩集序

癸巳春余遊武林得櫟園清漳城上四章讀而嘆曰余與櫟園別八年矣久不見櫟園詩不謂其筆力蒼老感激悲壯一至於此今年相遇吳門乃盡見其賴古堂諸刻情淡而文明言近而指遠包函雅故蕩滌塵俗卓然以古人爲指歸而不復墮入於昔人之兔徑與近世之鼠穴信櫟園之雄於詩也或曰子之推許櫟園也其指要可得聞乎余告之曰有本古之爲詩者有本焉國風之好色小雅之怨誹離騷之疾痛叫呼結轡於君臣夫婦朋友之間而發作於身世偏側時命連蹇之會夢而噩

病而吟春歌而溺笑皆是物也故曰有本唐之李
杜光燄萬丈人皆知之放而爲昌黎達而爲樂天
麗而爲義山謫而爲長吉窮而爲昭諫詭恢梟兀
而爲盧仝劉叉莫不有物焉魁壘耿介槎牙於肺
腑擊撞於胸臆故其言之也不慙而其流傳也至
於歷劫而不朽今之爲詩本之則無徒以詞章聲
病比量於尺幅之間如春花之爛發如秋水之時
至風怒霜殺索然不見其所有而舉世咸以此相
夸相命豈不末哉櫟園之爲人也孝於親忠於君
篤摯於朋友歸然巨人長德也汧水壞城張林宗
抱其詩文與二子淪水中櫟園兄弟行求得其少

子載以歸家于役返里躬送之還中牟其守漳城也故人門客在重圍中相與登陴賦詩抗詞同日無一人思解免者蘊義生風起興仗物珪判而璋合金春而玉應此櫟園之所以爲詩也而豈徒哉櫟園近在樵川痛詩道榛蕪刻嚴羽詩話以風示海內滄浪之論詩自謂如那吒太子析骨還父析肉還母而未嘗揆極於有本謂詩家玲瓏透徹之悟獨歸盛唐則其所矜詡爲妙悟者亦一知半解而已余懲世之學詩者奉滄浪爲質的因序櫟園詩而榷槩及之若其辨論之詳俟他時篝燈剪燭抵掌極論而茲固未能悉也年家老友虞山蒙叟

錢謙益誤

賴古堂詩集序

七

賴古堂文集序

櫟園先生以少司農出爲督糧使使江淮間四方之士慕之者爭願見先生舟車輻輳道路爲隘予向亦願見先生不可得聞四方之士如此乃益自媿且益重有慕於先生謂先生何以得此於四方人則間取先生文讀之然未多讀也及予避人走江介思入見又不卽入去而之西江逮其旣也又以乞食將遠行手把先生所寄書徘徊摩挲誠恐溘死道路或從此漸遠終不得見乃始幡然見先生且得盡讀先生所爲文作而曰有是哉夫人以情相往來思心冥冥匪獨血氣所沁屬眇焉以通

卽生植走飛虬蟬埃壻之罔所知者蠕蠕焉動而
生其誠此無他所感者然也方先生之爲文也塊
然乎其情窅乎淵泉灑乎若沆瀣之浮於天然後
舉古今事物興喪之故與夫一時名類之顯然於
前者從而頌之又從而刻覈鉅割之必得其形也
得其形矣必致其思也致其思矣必求其興之鬱
於初與神之濫於末也而於是讀之者目開而心
驚指爪欲作而膚膜之不仁者皆逡巡癢接而不
自禁有歎者有淚長善懷者有歌且喞者有起舞
者有從而泣者如是而先生之爲情深矣昔者先
生嘗治閩矣閩之人以情愛先生卽微獨閩也天

下之感先生情者當先生所至而必車與綬相隨
卽又微獨其平時也當先生或不得志於人天下
之賦飄風之詩者惟懼以跋扈之勞有傷赤舄攘
攘焉盼望而欲前情也且夫子之乞食於世者非
偶然也或投安丘或依瀨上女或游匿於酒人或
從王成賣卜河上天下之憐而招之者與本不知
子而願得子一顧者皆却足不往而獨懷思願見
於未及一見之先生何則其情深也夫情深者文
必明今之爲文者動曰師古滌青而纈白而情亾
焉望古人而走趨於其門能決其樊幸矣能窺其
居乎不能窺其居能見其人乎不能見其人能得

其人而與之頌內外較短長乎蓋鑒形者遺神而
忘情者寡要也予生也賤所交多窮巷蓆門之夫
懸瓢棲壺日委朝露往欲播諸文詞使略可表見
雖言微不足重乎然意亦耗矣彼王公者而語寒
賤則意指之所略也先生寫按螢之枯甚於繪龍
彼夫抱甕以死終身焉將不齒於衆者而先生討
論瑣屑抉微按隱必欲極其愉快而後止且予邁
閔有年矣其更相詒誤族黨之餘漸暨友朋心非
不念之而難言也先生敷腎腸而爲言詞口血瀾
漉雖使塗之人聞之亦莫不怒然泣而翕然感者
此何如情乎夫文生於情吾於其文之明而益知

其情之深天下未有情深而不動者也昔者姬公居東東人願見之而且反慮公之將西歸至有形之詠歌而期以我邁者向固不信迨今而知之然則謂今人不如古亦何其輕視人也若夫情深而文明既已得之於心宛轉愷發浩然而行於方幅之間而猶謂龍門之文會師短長則輕視文也西河毛姓頓首撰

先司農束髮卽好爲詩自諸生以至歷仕所得詩章皆勒之梨棗有友聲劔閩雪北雪等十餘刻庚子春患難中自爲刪定授不孝浚刻之江寧今世所傳刪定賴古堂詩是也已酉宦江南復廣賴古之全盡收諸集而次第之增以偶遂恕老近詩合爲全藁繕寫成書一夕中有所感盡取焚之並舊所梨棗亦付一炬遂使數十年嘔思化爲灰燼今幸印行之篇尚存敝篋收合編葺略還舊觀仍依定本一以諸體爲斷

先司農古文以八家爲宗頗自珍惜不肯輕易著筆間有所作亦藏之笥中故未嘗有耑刻已

西裒集生平之作約三百餘首遂成巨觀一炬
之後等歸蕩滅詩集尚賴印行者可以廣揆文
藁竟無副本所幸四方傳書名人選錄及勒之
碑版題之卷冊者海內同志多方搜輯雖僅十
之二三然嘗鼎一臠窺豹一斑亦可想見

先後詩集各有弁言不下數十章或指陳風雅
或敘述交誼各極一時之妙欲盡以入梓則簡
袞浩汗欲略載數首又跡涉檢擇謹錄藏笥中
以爲世寶其全集序引出自諸公近著者列之
首簡用光家集

先司農所著詩古文外說部之書不一而足計

其已刻而焚者有書影闕小紀字觸三種膾炙人口士林爭傳幸有印行之餘不至湮沒當次第梓之以公海內至諸刻外尚有印人傳讀畫錄耦雋及刪定虞山詩人傳雖一時隨筆未爲全書然手澤依然不忍磨滅亦容梓之以傳

先司農選輯之書如賴古堂古文選及尺牘新鈔藏弄結鄰三集不在焚書之列迄今印行海內學者莫不奉爲枕秘咸望續刻以廣未見然古文選先司農存日久欲充廣彙選當世諸公著作始見端倪惟尺牘四選牧靡集已有成書具見諸名公序引因刊刻無力尚藏篋笥容有

待夫好事者耳

前代名公諸集多附年譜誌銘行狀碑傳以及
誄輓詩文於後蓋以表著生平告我後人也先
集亦倣此例至於誄輓之章多至數寸當另彙
成書如昔人懷賢錄之類此集不能備載

不孝幼而失學半豹未窺雖能力按先集而先
後編次則吳子介茲王子安節始終攷定則高
蘿栖夫子黃俞邵同學之力居多是數公者或
爲良友或屬及門皆有功於先集者感次於心
因表而識之至患難餘生力難謀梓其捐資助
成盛事者獨楚中寇明允先生一人明允先生

與先司農邂逅一面相隔十餘年乃慨然身任其事不幸未覩厥成而先生掛冠以去寥寥高誼尤當於古人中求之者也用并揭揚以志銘感

嘉定張君諱瑄字原曜者爲公路先生從孫與先人無半面之雅卽不孝亦未嘗通姓字乃於梓人處見所刻先集隨取一冊細爲較定凡亥豕之訛及字句偶誤者悉爲標出貽書相示先集雖數經訂正得此遂無遺憾敬識姓名以爲先人身後之桓君山且爲文苑中一段佳話也康熙十四年歲次乙卯不孝周在浚謹識

賴古堂集目錄

卷之一 古樂府 五言古

出東門

出西門

今夕歌宿郎山呂正始天咫樓作

來日大難

汴上謠十二首

肉糜

河決後民多有以書

紙蔽體者

向河哭

野豕

煮書

煮皮

東家

招招舟子

水耶

紅蟲

百粒珠

苦米

悲歌

上邪

老僕歎

儂儂歌四首

義烏行

九日顧見山移樽同胡元潤望茱萸山

歲暮遠爲客嘉平廿四日賦

雜詩

白雲書屋詠爲王望如

作

有懷高康生蔚生

將樂玉華洞

高二澄甫將別予遊閩

悲予及見高還得五十韻送之

卷之二 五言古 七言古

庚子重九前四日板屋欲雨同姚仲潛吳冠

五諸君子共拈劉隨州藜杖懶迎征騎客
菊花能醉去官人爲韻得十四首

庚子重九雜感用古詩十九首韻呈今醉先
生並諸同人 客索壽母詩卽用客韻

客京口人 重九後一日偶成

重九後二日藺次仲潛過慰用去字同冠五
賦 秋夜虎林寓園同胡元

潤吳介茲王隆吉

次施尚白韻與陳伯璣

介茲三十初度酌以紅露

悼黃山孫子 青州

高子康生偕予客青州以母喪歸予時在都

下不及追送

齒落

還硯歌

胡三元潤徵裘歌

羣鷗寒話圖歌

霜月乞酒歌

豫章郭生移家劍津爲羅使君徒步由閩入
秦晉至長安朴誠亦足重去年姑蘇值其
四十初度頃將還里索予補一詩

陳生於白雲司中乞得數椽晨夕依其老親
予哀其志爲賦二詩做少陵後苦寒行

齒髮

卷之三 五言律

雪苑不寐

圃田示張大占

寄洧川師三戒公

遊新密雲巖宮同文大

士姊丈

同滕伯倫計玄柚吹臺

酌月

飲宋雨恭先生湖上齋

同吳讓伯延仲

侍家大人湖南夜泛

哭四十六叔穆然

孫北海夫子爲亮買田

涿鹿逢張林宗先生下第

同張林宗先生秋郊坐月

寄庾大

同張林宗先生南陂秋

泛

方密之張瑤星過飲子

將發北海

哭敏求家兄

李無塵校書

高非援至自膠西便送

其返敬亭

送馮伯宗北上次唐肯

堂韻

寒食同吳衆香盛玉郎

句曲道上

金梅郎讀書金焦沒之

前夕苾蒨夢君來爲寺神肖貌祀之

寄蘇武子都門

哭馮九

寄支長卿

高密西園同何匡山飲

蓬萊閣

程慎先爾止侍尊人遊

粵

雪中見無衣裨卒荷戈

戰慄予乃服兼裳解一與之感而成詩

贈陳章侯

新城不寐

新河

天狼

東平

汪子白同至泗上先子

一日返石城

重過冶城唐道士閣上

江上畱別王子荆李遂臣盧長華張石平
望方山敝廬在其下

燕子磯逢返上眉慧上人

眉上人出林宗先生手書貝葉齋見貽燕磯
爲先生壯年遊憩地

靜海寺僧以塔碑見貽是初榻第一紙

過五木呈薛歲星先生時先生薙髮稱米和

尚

錢塘江示王古直

自光澤發邵武初登閩

舟

樵川城中從米澹生借

書送日

亂後過米澹生遯園

陸驥武至自清漳

哭陳磐生

兄子國光

寄高康生

洪江別佟懷東

林異卿

林得山

別許有介卽用其韻

鄭胎聖楊凌颺朱璧符張龍玉自樵川尾子

舟至柘浦別

客自秣陵至僂與俱歸

庚戌春侍張林宗先生北上宿鄴下南寺越

十年己丑與公子子顧再宿其地見先生

壁上詩泫然泣下用原韻得詩四首

小亭再用前韻

同蘭江趙丙三往返北

道歸渡滹沱

江上畱別高康生蔚生

馮伯宗

舍弟靖公

章侯聞予將返湖上預成一詩次韻答之

甫發錢塘一僕失足溺水悼之

哭車亦仁亦仁相隨北海數年比欲從予入

閩取道返里遂沒於家三年嚶咽今始成

聲

江岸拾得野花歸插膽

瓶中次元潤

舟中蟋蟀

舟中載馬

隔舟一客顏頗岸異穆

然蘭蕙中靜坐鈔書鬚眉雪靜弓刀琴瑟
肅肅望而異之走詢則杜日章也予覓日
章於維揚三載矣茲乃得之喜賦一律

阻漲

陳階六在雲間索同社

諸子作畫數十幅見寄感賦一詩

寇退寄詢文大士 卽席次韻贈信州周公

鼎

次韻贈同里馬遇伯

再次星子韻贈遇伯

黃田守夜

重九日茶洋驛有懷舍

弟靖公

咏燕子巖

卷之四 五言律

白蓮驛

詭郵吏

山樓繡佛咏

懷顧與治

清流雨中與客飲

寧化道中示子京

石牛驛

伯宗誕日

杭州同王將軍大士菴禮佛

同王將軍橋浦秋泛

汀署聽雨有懷秣陵諸同人兼寄星子元潤

時兩君偕予入閩畱榕署中

哭柘浦李文素將軍

杭州署中雜詠

菊

蘭

竹

芙蓉

松

抹麗

橘

畱別杭川諸生

閔中介移鎮沅湘飛棹

送之先賦二詩

伯常王大將軍剿江廣

之寇奏凱還汀適予返自杭川睹軍之盛

得詩四首

蔣赤臣比部吳岱觀孝

廉集蕉堂

送胡三元潤返白門

與楊猶龍

送羅星子返白門

哭林得山

遣僕子視何匡山歸述

瀨上草堂風景暨匡山念予狀感動久之

成詩五首復寄匡山

胡三禍公久別予返秣陵偶憶蕉堂作圖相
寄意致幼渺幾于無墨得之狂喜賦此言
謝

盧雉公年四十始補博士弟子員得靖公弟
字賦一詩寄雉公

今年予四十吾弟靖公亦三十矣感賦一詩
寄靖公
郝敏公初度

將發劍津病甚扶掖登舟枕上成詩四首
陳昌箕鄭圭甫許天玉諸君子至江上視予
醫至
十三夜次候官廳風突

作小舟幾覆予病甚羣僕拉移他舟獲免

壽張太翁

楊猶龍寄新詩至

有介弱弟中殤賦此慰之

贈京口劉長公用星子韻

獨臥驗夢菴永夜不寐覓歸無計便寄靖公

弟

羅星子至自白門得閔

伯宗鍾蟠菴高康生札子諸君南北闈同

時下第

自劍津發燕江次西溪

次沙之洋口與子京話往昔盡夜不寐

早發杉口是爲沙永之界

尾歷從林際望小舟下急灘

夢與張石平登七臺山明日石平寄詩集至

石平返里門未幾復過江上此集半是途次
作再用還字 哭魯君寵叅戎

金谿吳士宣不返里門二十載矣比自新荃
至卽送其歸 馮伯宗下第

答黃東厓先生 飲東厓先生湘隱園同
林素菴周芮公楊康侯

陳開仲至 清漳歲暮王勝時誕日
酌以大斗 送勝時返雲間

黎媿曾北上寄張遠公

送臨川支長卿 雪舫再送元潤返白門

伯宗歸 送吳玉府遊黃山玉府

東下金
會偕予北上勿勿四載矣

服公自三山返白下念予久別便與舍弟偕
來爲成小閣醉之

寧兒返白門

空隱和尚俗臘

江皜臣將遊丹霞人潮陽以道阻却返

卷之五 五言律

史蒼航司李以催科後期去閩賦詩送之

哭林徵君異卿

洪塘畱別

畱別榕城父老

壽陸違之

維揚人日同稚恭穆倩集友沂桐樓卽席分
得晴字
平山堂畱別稚恭友沂

穆倩

蠓城上元飲同年黃無

技齋中同王五采論詩

送陳陘山下第歸閩

次蘆溝

次涿郡

次定興諸生中有從邸外竚立期望見子顏
色者感賦

次安肅示唐肯堂

黃河阻雪同劉公勇登李家亭子子家大梁
久爲水沒累欲移家依劉頴上

過清苑哭呂正始是日次大汲

靜治堂贈黍丘張澹明大令

江舟與立山夜話 盧長華陸繡聞胡螭贊

載酒河干

高康生蔚生依依不忍

別信宿舟中始去

方與三賦詩相送次韻三首

八公洞逢蜀僧若水出鄭潛菴前輩札子相

示

五福阻雨

聞宗寶和尚久返粵東鼓山西禪華林法海
諸開士來相迓云宗寶和尚有返怡山消
息
維舟洪塘環而雪涕者

數千人相與入榕城

王師將返閩圍漸解射烏樓上示諸同事用
生字
圍城中獨沈二後去送

之

寇退郊望

寇退出西禪寺見耦耕者

白下訛傳閩省已陷予殉難射烏樓者遣僕
子歸慰家嚴慈南臺萬家無一存者泫
然有感

寇退後從射烏樓過神

光寺贈幻因上人寺在射烏樓下時上人
欲遊秣陵不果病中不寐示謝爾將

月夜同陸違之陳昌箕徐存永陳開仲涂子
是謝爾立許天玉過有介陶瓶看梅

卽席再次存永韻時有介欲移家秣陵不果
立春後一日遊漢叟過我次筵上韻

歲暮大興禪師以手製香相貽

送僧北上

心持上人過敢園謝季

立居士出艾粿共啖偶得一詩時持公移

鉢安蔬園

黃朗伯過訪便欲由粵

東入燕趙走筆贈之

送王長子返白門長子舊鎮閩畱滯十六載

矣

壽客

冬夜同陳昌箕毛子儀鄭圭甫集王逸菴大

行此君堂看菊

送陳昌箕北上

送游漢叟入楚

前歲冬予求比入閩萊

灘王來和欲徒步相從會來和亦有家難

予力止之今年夏來和間關七千里乃抵
三山泣語予曰惠州果不在天上小子不
敢妄附古人恥宿言不踐耳于其歸賦此
志感

舟中與子儀

病與朱靜一

同初荔舟中夜坐

舟中見閩客買裘

泊頭

長蘆與葉子尚

天津孫茂先過慰

臣亮

臘月二十日小飲詩朱靜一倡

與林鐵崖

漱石上人持雙不借隨

子遷間關數千里首春二日過慰請室中

感贈四首

陸違之元夕爲予得吉

夢秘未相示走筆詢之

長安舊傳十賣詩僕賣不止十然皆非所憶
憶惟四作四憶 淚

壽介壽

送紀伯紫遊閩

芍藥無瓶簡芝麓園次

閏三月補祝林起八

重九有介送菊有介春日數折芍藥贈我

重陽前一夕同冠五燈下對菊用靜一韻三

首

九日李逸客載酒予與

逸客別于語溪十三載矣

重九同冠五對菊次韻簡芝麓

九月十三夜冠五菊影中看予爲詩有作次韻奉答並簡藺次

九月十六日望西山呈北海夫子

九月十九日宋人亦以是日爲重九冠五燈下偶得花寒今十日酒冷古重陽之句子頗爲擊節走筆奉和四章

九月十九夜隣牆有客爲予得吉夢凌晨遣急足絮絮告予感其意成此

九月二十日同鄉人帥君載酒泛菊卽席同冠五賦
九月廿一日餞菊和吳

蘭次

九月廿二日因樹屋送

秋限韻

大風拔茅屋

卷之六 五言律

九月廿三日餞菊限字

繒被裂裏和吳蘭次

夢至胡元潤家見所餞菊

燈下同冠五燈下兀坐有懷閩南高雲客

題朱靜一布帳眉 詠因樹屋簡王惟歲堵

芬木

堵芬木以襟蘭集見示

旅酒

獄事方急梁溪高大澄

甫囊無一錢飛棹三千里慰予悲予及見

高來作二詩

如臯黃六濟叔人同姓

名下叔獄數以篆籀慰僕僕旦夕齒劍死
望叔所在真作福堂意不忒生與叔此律

病僮

病樹

病妓

病鶴

病僧

病馬

望家書不得與無間望如庭發

天恩緩孤臣須臾死籍臣家及身止兩親樞曆先
大父鴻臚公舊室中遂亦旦夕莫容頃得
兒書竟夜不寐痛哭成此

送章補臣出塞同田無間王望如吳庭發賦

七月十九夜同田無間王望如吳庭發賦

庚子中秋與田無間王望如吳庭發賦

長至日菴居公至 庚子嘉平五日雪初聞

欲徙塞外

胡元青將赴當湖訪朱

鶴門賦此奉送元潤常從予在閩屢遲元

青不至

鐵崖林公被逮北上侍

者粵人鄧猷懷絮溫公銀鐫日凡數十易
左右公患難三年終始不怠高子雲客爲
作絮鐫行予值猷湖上感而贈此兼呈鐫
崖 曹長公蘊昔以母夫人

之疾刲股愈親身乃遽沒羣公賦輓遂滿

巨軸子亦續成

吳賓賢爲予至飲汪舟

次齋中

步韻酌龔半千予北上

時半千出慰舟次

半千移家

不寐步梅花下念宗定

九多病鄉居不得數見柬此

閩中許天玉徐存永廣陵宗定九黃濟叔吳

賓賢汪舟次夜集寓園卽席分得看字

過疇齋訪孫豹人不值見其長君懷豐

吳賓賢力疾爲予至至則病益甚不能數晨

夕賓賢旣以病畱邗上予乃先歸

孫無言於王于一之沒撫其幼子經紀備至

歎古道之猶存也感贈

連夕與舟次縱談無不盡兩月之留獨爲舟
次耳返棹留別 抵邗關遲汪舟次兼示
吳楚人 袁籜菴自書曰走凡詢

之曰客有自稱飛仙者以此對之戲成

寓園留酌張天任丁漢公劉膚公黃仙裳鄧

孝威 寓園示韓秀才

泊空陵秋水菴與澹公

過沂水從大令杜長虹索得申鳧盟全詩漫

成寄鳧盟兼示楊猶龍

十月廿六日城陽寄冠五

哭黃濟叔

雲門賦送與三

雲門送胡元潤還白下

甲辰歲莫再至都門襍被未解嵇匡侯索留
山堂詩倚婁東諸同人韻輒得一詩悲感
交集似不獨詠畱山矣反欲畱山和我

真意亭同冠五介茲賦

哭陸違之

夕陽坐亭子上

齊河半夜送孤鴈

得高座傳公書訃音與

俱至

送冠五還黃山

吳仁趾自廣陵過訪

哭謝仲美

丙午溪秋過南鷺峰訪

曙公門庭肅肅破衲層披枯筇以外了無
伴侶猶夫十載前之曙公也欽其耐寂爲
畱是詩

題李武曾灌園養母圖

吳玉府過慰賦此志感

送羅飯牛之邗上顧見山從江上示予札子
云與飯牛將訪余于恕老堂爲一月之畱
旣以事阻忽返雲間獨飯牛過我又匆匆
欲往廣陵因步何省齋韻送之

王式玉至自邗江共醉恕老堂式玉五年未
歸矣

初春陳伯璣郵書相慰

細字千言難爲老眼

冠五歸臨岐黯然不能出一語送之別十日
得三詩却寄 石谿大師六十僧臘大
師與佛同日降 皖江與文燈巖
梁溪成二鴻舊以孝廉訓皖臨江築小閣讀
書其間未能遽歸也

何省齋往錢塘觀八月濤送之

從余鴻客乞竹澹心躬送至甫種值雨

龔半千半畝園 獨遊吳越畱別次德冠

五介茲 同籜菴酌第二泉竟寺

外禮古松肅立久之得二詩

慧山霜降夜雷雨不寐

王石谷四十

獨過韜光

笑隱老人多情佛子有道文人余聞之叵友
于一者久矣辛亥至日同與三刺舟溯河
干得一見公公七十矣語語必及于一且
顧余曰推襟送抱垂三十年今始一見俱
老矣後會良難念往懷來淚輒欲下子亦
爲悲動久之返舟得四詩

冠五與予素心晨夕無周星之別壬子重五
後二日冠五將北上此行乃不知再見何
時予老矣患難數年淚未一下念兩日冠
五將別我去通夕不寐五鼓成此放筆之

餘不禁潛然泣數行下冠五至都門幸出
示浚兒使知老夫孤獨特處也

卷之七 七言律

贈膠西張用之

阿丘僧舍坐雨懷人

北上畱別馮伯宗

汜水陷後送六嚴弟返

豫章

送閔子濬內兄下第將

卜居吳中

警至計偕諸君子咸舍

予南去

巴叅戎西城捷至贈之

高澄甫念太夫人踉蹌別予去

雨中招同里諸子社集徐園李遂臣適視師

江上

已發犢城復登舟返邗

上

海陵舟中吳橫溪寄塞

上詩至適長興王尉遠來視予王舊濰尉也

寄舍弟江右用陳古公

感秋韻

陳階六坐中次王雪蕉

韻與萬年少

八寶舟中懷舍弟江右

蕪城中秋念舍弟靖公

與陳階六期於吳門予未至階六已發雲間

矣

盱江逢張黃月侍御

夜登邵武城樓感懷四首

南郊探梅

丁亥除夕獨宿邵武城

樓永夜不寐成詩四章

魯叅戎君寵

戊子上元獨坐舊雨堂

感懷四首

寒食詩話樓感懷四首

初至洪塘感懷

馮伯宗至自秣陵

海上晝夢亾姬成詩八章

神光寺看絳桃

鎮海樓望紅白桃花

九日趙君重都閫堂中看菊

煙雲過眼堂看菊送張子京之鄖襄

重陽後二日林得山退耕堂看菊分得如字

周方叔至自莆田望大梁城寄馮伯宗鍾

蟠菴王憲一

廩延壁上和雲間娟姬

詩

庚辰與尚海臣沔定交

漳河越三年壬午海臣舉於鄉又六年出
爲江夏令又三年以病歸甫抵里門死矣
海臣年甫三十際多難恹憊出爲世用堂
有老親悞悒以沒爲賦一詩以當痛哭但
招其魂夢以告之未敢示其老親也

臨洛關懷李遂臣用壁上韻

有感寄舍弟靖公暨唐肯堂

中丘贈喬磐石鴻臚庚辰與振陸可三諸君
飲磐石西園今並作古人矣

邢州道上懷陳階六

臨洛關李浦珠送酒抵邯鄲賦此寄之

寄隆慮呂麟生明府

寒食後一日新鄉道上簡許傅巖

汴水奔崩林宗張先生抱其詩文同長君次
君淪水中季子子顧甫十一齡浮木出子
弟靖公覓之河干三閱月載與俱歸匆匆
十年矣予役返里躬送之至中牟集其族
子懋德輩與其老僕郭明拜而授之紀以
詩

太丘去黍丘咫尺不得

晤陳簡菴和來詩寄之

鴛湖逢同年萬允康盧長華小集萬楚人盧

與予同里

桐江阻漲

將至嚴瀨用元潤韻寄舍弟靖公

布帆

舟中看姬人焙茶

江行雜感

須江延醫

自長安返止清湖是爲須江盡處明日便發

霞嶺

仙霞關

卷之八 七言律

四年七夕詩

丁亥侍叔父酌秦淮

同張淑士舍弟靖公分得田字時隣舟有

盲女枇杷聲

戊子在榕城飲說餅

堂同馮伯宗賦

己丑佟懷東齋中分

得麻姑降蔡經家

庚寅予重入閩懷東

甫出關相值拓浦飲懷東旅中

署中別羅星子胡元潤

西禪寺畱別

甫自北還卽有汀行舟

中寄呈 家嚴慈并與開也兄靖公弟

示裴生符剖

朱竹

長汀舟中有感時

家嚴慈在白下妻孥在

榕城

杭川舟中懷陳階六

自清溪返杭川諸子衿有以詩文相質者愧

賦一詩謝之

與同里諸子飲李遂臣

海棠下遂臣出北釀醉客

懷京口劉長公長公自太末偕余至須江談

東正堂集卷之三
三
三日夜視予度嶺始別去

夜登杭川城樓有感四首

杭川城上有懷樵川鄭胎聖朱璧符張龍玉
杭川署中哭張松瞻

裴符剖自清溪以新詩來質時予已發杭川
邂逅中途喜賦一詩

次館前驛念已與臨汀諸君子別黯然久之
清溪遇高甫澄卽送其南歸計予別澄甫於
白浪河時遂十年矣

林得山同次君孔顧招過嵩山草堂看梅得
曾字
南溪陳克興以所著詩

文見示賦此奉贈克興著有車塵雜述

聞馮伯宗下第

再過遯園贈米澹菴

予以庚寅冬日出臨汀壬辰夏日再至鐵嶺
是爲臨汀界不獲見八邑諸同人黯然久之賦此寄懷黎媿曾宣巖諸君子

庚寅在杭川賦詩寄懷樵川諸子頃乃復至
樵川竟歲迴環曾無定跡再登舊韻却寄
杭川諸子

張瑤星札至并得友蒼

開士近詩

粵客過延津將往秣陵

陳章侯繪磨兜堅見寄感其意賦此答之

三至蕉堂

將入清漳畱別佟滙白

宋韓文公詩君子

清漳城上感懷四首同唐肯堂作

今年夏在鐵嶺賦二詩寄懷江南諸同人冬
初以使事至丹霞亦汀南接壤地得黎媿
曾道存鄭健也諸子所刻續懷帖感其意
成詩二首再用前韻

芳巖峰示永覺和尚

次清風店詠黃芽菜

次新樂詠葦簾

贈樂城謝明府

初雪次栢鄉念明日當過喬磐石老人栢子
亭

二十日次內丘磐石喬

公今年八十有九矣予辛巳凡兩過公乙未春予被召再至昔日同行並作古人其年冬予被讒復返八閩幾不欲見公公聞予至策蹇出郭老淚縱橫慰勉交至復拉予醉栢子亭下予至是蓋五過公惟此行尤爲難別撫今追昔不能成語

次順德涇陽馬元御仲侍昆季乙卯與予訂交返上越七年乙酉元御令如臯沒於王事予時治兵淮揚經紀其喪俾返故里乙未冬過邢臺見仲侍壁上詩悽然有感爲賦一詩悼元御兼懷仲侍

過陳簡菴谿南草堂

維舟吳門欲探梅玄墓不果值七建商旅百
餘人相過慰勉涕泗交下感賦一詩

光澤父老相迎答之

錢牧齋先生賦詩相送張石平顧與治皆有
和次韻畱別 丙申寒食同張玄洲暨

諸同社重登詩話樓見壁上和予丁亥寒
食詩凄然有感再成四首

拿口父老褒米見貽感其意賦此

上洋口津吏餉新茗

竹崎先寄林孔碩 答榕城士民兼寄靖公

弟

林鐵崖從瓊海惠書見

慰感賦

王子義移家

儀封曹白公進士冠日夢予過訪自稱今名
時白公實不知大梁有予予時亦非二字
名越五年始從鄉牘中得予姓字又二十
年始過白門以詩述其事命舍弟相寄賤
子易名鬼神乃逆知於數載之前誠異事
也賦此以答白公

大興和尚俗臘時在烏石山

射鳥樓紀事

圍暫解送陳立三返里

解嚴後病臥敢園

延醫不得寄舍弟靖公

呻吟牀第聞家慈病

同門吳曰庸先生徒步自泉州過慰

王美厥自清漳過慰漳城前歲陷賊美厥僅
以身免

送李介菴呂素巖北還

王逸菴大行此君堂看菊時陳孝廉將北上
大行冊封流求以海波未靖暫阻榕城

卷之九 七言律

亘信和尚俗臘予別和尚于清漳漳城陷和
尚移鉢雪峰頃復辟兵來省今日語予曰
入秋太平見矣 郭去問還家未半載復
作章貢之行送之

鄭圭甫昔上公車因予與郎山呂西屏使君
交交莫逆也圭甫方期再過西屏而西屏
久以憂憤作于虎林矣于圭甫之行凄然
有感賦此送之 漳城陷後郡司馬周披
雲僅以身免棲遲會城遂踰三載枕上念
之不覺泣下爲賦一詩將以貽同人爲披
雲作歸計 有介漫遊遂至江南今

日忽返得家書感賦

芝麓自粵返白門送有介詩有加餐爲報周
公瑾老眼秋隨鴈一行之句依原韻奉寄
安國寺訪心持上人寺前三石甚奇石上獨

茂一松

除夕前一日高雲客始

過我減齋時有介初自秣陵返

雨中聞有介攜具過彥遠道山亭子彥遠初
至有介亦甫自秣陵返

偶過陶瓶值胡彥遠小飲得酸字

與有介

寄題南郭草堂

花朝過煙雲過眼樓簡彥遠初荔

華林寺

寒食鄭宜公崔五竺高

雲客謝爾將過敢園

清明聞同人各有飲所風雨荒園悽然有感
上巳集絳月蘭若 昨夢簡彥遠初荔

有感倣古意新聲 與王啓伯總戎

南浦橋亭望夢筆山

王弗瑒楊商賢追送予至邗江畱別

朱思遠羅星子高康生王古直暨予倩王隆
吉遲予于虎林程穆倩宗定九遲予于邗

上舟中賦此志感

舟中與胡元潤談秦淮盛時事次韻四首
過淮南湖心寺弔隱知和尚示首座本融

閩人翁陵移家公路浦過予舟與其同里徐

延壽醉 板閘與林戒菴

渡口答有介卽用原韻

再次前韻

桃源縣答宋去損卓初

荔

宿遷菊花同胡元潤卓

初荔作

重九寄鄭宐今蔣用跋

謝爾將高雲客

沛河九日次吳冠五示

王壽格若士

珠梅聞夜雨與鄭羽人

陳伯宗

深夜過滄州聞岸上傳

呼聲

張秋與客

和林戒菴守歲

己亥元旦試筆和林戒

菴

再與鍊崖

蘭陽王王屋大令斥負高才佯狂自恣不永
于年自誌其墓以坡公誌人之銘有合于

已卽以銘已予欽其達復哀其志曾鐫其
遺集茲系以詩 麗人行冰上同菌次賦
寄濰縣楊再蘧蔡漫夫于鳴岐

蓬萊閣和吳冠五韻海上春夏之交東南風
緩則海市見 羈中寄東萊太守鄧偶

樵鄧家白門前作郡清漳與予同守會城
二月十四夜月下望見林起八禁不得一面
黯然成詩 得兒書淡憫其意作此

寄之

送卓初荔返閩

送胡元潤返白門 少保商丘宋公錫諡文

康紀一詩與令嗣牧仲

送徐存永遊大梁 甌香買得芍藥數枝葦
屋中苦無花具強余爲詩

永夜不寐垂淚與小僕蘭水絮絮口占示之
午睡與冠五 白櫻桃

橄欖 文官果

六安梅花片 蒟藍

墨菊 佛手柑

旅中遙酌冠五 介壽以胡彥遠見慰札
子相示却寄 王勝時至勝時數過長

干向兒輩詢南北信

與劉竣度 五月廿九日烈風雷雨

聞鏡崖明朝行黯然賦此送之

送客南還祝親

送客遊會稽

潘君重九前四日載酒同冠五過我適隣客
遣童子送菊

宋去損以予累客死都

門重九前二日素旄南返哭送四詩兼貽
令嗣我長

送程伯建赴滇

再賦靜一帳眉

除夕向芝麓借書守歲

知芝麓念予甚爲予止酒罷歡坐客聞此
感而代泣予則自慶且用自恕喜賦二詩
用七十老人朱靜一韻

正月四日五更大雪晨起忽念芝麓此時應
悲因樹屋中人作此奉簡

人日雪霽冠五傳芝麓和予詩至冠五語予
從驢背中讀龔先生詩歡喜欲墮

送朱士先還豫章 兒子南來壽格移尊過
慰靜一老人同賦二月十六日詩

寒食前一日若士壽格冠五風雨集因樹屋
念老夫數日人世酒酣耳熱略述生平時
予所著書影初成故諸君子詩中及之

芝麓舫齋字曰春颿

謝大潛初自中都來視我

京口王公量在獄投我一詩悲予將不及見
公量答此

重五有感同冠五作時

得紀伯紫卓初荔閩南書

五更起坐走筆欲寄舍弟雙燕渡黃河弟句
也

七夕

補臣無間庭發望如諸君子見予得家信詩
皆拭淚相和同悲轉觸疊韻再成便寄靖
公弟兼示兒子 黃濟叔與人同姓字陷
若盧一載餘今日得白賦二詩送其還里
同芝麓蘭次賦 朝讞適有風異僉擬以
疑 告適 天恩槩減罪人死因置疑徒

塞外

茲受吳公至公以令子

漢槎累將徙塞外

見梅花

將移塞外先寄龍眠公

暨諸同人

雨露美王公也

黎媿曾過慰兒子過西昌時媿曾與大令宣
巖存卹備至

初聞徙信寄白門羅星

子高康生盧雉公方爾止杜于皇胡元潤

王勝時作客淮海寄別

寄閩南高雲客蔣用敦謝爾將

重過前岳陽太守李燦辰思鶴亭予赴閩日
燦辰送予東郊涕泗不忍別今忽忽七載

矣

南還吳庭發至自毘陵

高澄甫至自梁溪王勝時至自雲間朱靜
一至自秋浦申霖臣至自吳門徐仲光至
自盱江相慰感賦

東淘吳賓賢貧病工詩汪舟次手錄其近作
相示頗有同調之感舟次且爲予言賓賢
近札有夕陽殘照于時寧幾之語櫟下生
痛賓賢或真死不及見矣爲賦一詩急令
舟次寄示賓賢汪舟次每見子輒言賓
賢不置予旣爲一詩寄賓賢感舟次于賓
賢纏綿恉切復作此與舟次

同許天玉程穆倩集許力臣師六宿影亭卽
席分得楓字 十八兄開也左右亮工

患難數年于外已亥七夕爲兄六十初度
亮工在請室不能相祝越三年辛丑亮工
南還又一年兄始別予還里予始和諸君
子詩爲兄壽欣感交集望始不及此矣

同唐祖命梅杓司王玉式集任貞生雪礫卽
席賦 過宮紫玄春雨草堂

客吳陵張天任自延令過慰

田雪龕張天任宮紫玄張詞臣劉膚公黃仙
裳陸右臣宗定九黃濟叔宮武承集春雨

草堂次膚公韻 送許玄若還虎林

與謝仲美 與鄒方魯

與樊會公又新浴沂

與胡元潤元清 湯旌三約同鄧萬子登

平安山山高峻巔殊平曠望石臼湖在衣

帶間 同湯旌三鄧萬子集馬

寅公秀才齋中贈之

從山後倒入無想寺與僧惺悟

劉素先初度 與吳遠度雲林白馬峰

予與遠度家在其間

與高蔚生兼示康生

將發青齊閩中毛文山孝廉適至卽賦別

青齊得從化孫斯百大令書予與斯百別于
此地垂二十載矣

旅壁步王西樵韻時方憂旱

夜過劉藥生長白村莊

新秋過陽丘見西樵貽上旅壁詩用西樵望
女郎山韻寄懷貽上

夜同王國儒孫河柳高伯羣集馬三如源思
齋中值黃心甫自惠山至聞黃濟叔作古
登超然臺望馬耳山用謝在杭韻

雨中宿滄浪園示丁魯瞻顯若

過傳逸菴四本堂 雨中五蓮僧來相期往

遊不果 東武懷古

病肺讀李涓清海鷗集時贈端石

城陽南望寄舍弟靖公

哭許有介 哭徐存永

哭陳開仲 穆陵關欲雪同劉公蕃

司李用弇州韻 過東莞武劉二孝廉載

酒談花之寺爲沂州之勝境同楚中劉公

公蕃賦 禮沂山東鎮神祠同劉

公蕃賦 百丈巖瀑布同公蕃賦

送陸違之還三山兼壽其七十

送朱靜一還九華 陸咸一招同陳階六張

鞠存楊修野宴集卽席分得歌字

丘曙戒季貞招同宋牧仲陳階六張鞠存楊
修野陸咸一張虞山杜湘草諸君子宴集

卽席得鴻字 王珂眉自襄垣過訪以

蕭尺木墨妙見貽卽步見贈韻並寄尺木

陳階六謙六招同孫惟一 張虞山杜湘草集

恭恕堂卽席得頻字

荻江阻風如松菴次張黃岳韻

何省齋渡錢塘回出冬至前一夜燈下獨酌

見懷詩相示次韻奉答卽送其先返白門

並寄次德

壬子春正渡江汪長玉

舟次招同程穆倩汪秋澗孫豹人吳野人
冠五仁趾集玉持堂

卷之十一

五言絕

七言絕

題胡元澗畫定州雪浪石

沈休文帶圍

陶靖節無絃琴

李太白鞞

將發汀州過順昌燕子

巖

閩中諸花皆早惟菊經

冬始茂

毘陵舟中不寐

躑躅

夢墨堂試燈分得浮字

課童子插碧桃膽瓶中

有感次壁上韻

內人剪綵製芙蓉燈供

大士

順昌舟中夢舍弟靖公

大清明曲

九龍灘口號

舟次桃源洞家人以吳釀至僂寄王伯常

閩茶曲

再至焦堂

哭樵川趙維川大令趙旣罷邑復過其地以

病死

哭樵川門人楊凌颺

同客嘗荔枝酒客皆未剝荔枝侑以詩

靖公弟至

清漳送郭無疆歸莆田

過華林寺壽心和上人

送客過富沙

送郭去問入燕

除夕渡蘆溝

次真定遙祝家慈

鼓山永覺和尚八十卽用和尚自題小像韻
子癸巳冬同趙臥齋直指王襄璞方伯曾
一登劣崩

次邯鄲簡李浦珠

送鄭丞

癸巳冬日過華林寺看

梅爲詩壽心和上人今日同王逸菴林涵
齋再過其地乃知上人寂去旣已兩載嶺
梅欲發客思淒然再疊舊韻示其首座道
目

題梅花再送道目

送王將軍還里暫遲湖上

佛生前一日爲子初度神光西禪諸刹爲子

禮懺走筆示法緯開士

壽昌塔下示竺菴和尚

懷心持上人安國寺

竹枝詞爲胡彥遠納姬賦

送宋去損返莆田 次諸同人茅屋詩

題箬繭畫菊壽王若士

同人栢臺茅屋成 題羣鴉寒話圖

鄭羽人以六聲字詩來和之

王壽格三十初度壽格諒不受祝予亦不敢

祝人得二十八字聊鳴悃憶

羈室中客因子客歲可憐明日又清明之句

爲數絕句子復用原韻

卷之十二 七言絕

題有介書再送伯紫

東甌香

甌香醉臥醒始見前詩

以一絕來答之 採蓮曲

再步同人韻送徐存

榆錢

御溝橋櫻桃

重九和甌香韻

重陽後一日寫羣鴉寒

話歌賣錢沽酒

重陽後二日得蕭伯玉

許介壽兩家日記喜其三數行一則易于

作輟遂盡數葉

十月十三大月下步過

隣舍

叔舉欲醉我反醉我酒

去

芝麓今年試筆卽和予

詩夏雪中疊韻懷予題後曰勝于開卷有

懷介溪閣老也

王壽格解杖頭錢買予

清明卷復成

再送冠五韻送初荔

六月十日紀事

無題

羈中題畫穉竹

題黃梁夢壁

渡河望中牟讀書處

醉翁亭畔歐公手植梅三月朔猶未落前此

未有也南還閔子濬邀遊一截誌感

辛丑清明日哭

先嚴慈柩前

邗上重晤黃濟叔見其近畫漫題十絕

題田雪龕小照 長年乞書

阻雪淮陰項永伯以詩集見示漫成

寄野鶴 再渡澣山泊見西樵壁

上詩有懷阮亭 渡淄河

青酒苦澁求之士大夫家咸云乾醉嘉然絕

非廿載前風味矣

章丘追懷李中麓前輩

淄河旁土阜童禿傳是牛山

六度入會城見貽上韻有感

沂州東面溫泉 重晤程正夫

喜蔣用敬至自閩南

詩伴次何省齋

初與省齋約共吳船余

以事阻公先發數日舟中有懷

湖上夜月聽宋郎琵琶

每至湖干謝文侯輒爲余寫照辛亥再來余
年六十君亦七十矣復爲余描寫老頰慨
然作此
辛亥嘉平五日湖上見

新曆有感

湖上畱別

卷之十三 序

賴古堂詩集序

王王屋文集序

阮太冲集序

王于一遺稿序

顧與治詩序

向林遠詩序

西江遊草序

盛此公哭金冶王詩序

紀懃叟闕里詩序

卷之十四 序

陋軒詩序

汪舟次詩序

古香堂詩序

朱靜一詩序

託素齋詩序

理信存稿序

南昌先生四部稿序

託素齋文集序

學文堂集序

卷之十五 序

何省齋太史詩序

醫學正言序

袁周合刻稿序

胡元潤移居詩序

宋去損冰荔編序

閔伯宗詩序

放生社序

金陵覽古詩序

廣金石韻府序

卷之十六 序

黃母周宜人七袞序

祝龔芝麓總憲序

覺菴兄六十序

壽青溪三老序

壽汪生伯六十序

倪母朱太夫人序

卷之十七 序 碑 記

送王庭一入楚序

巡撫山東都察院右副

都御史彝初周公救荒碑

休休道人授書圖記

卷之十八 傳 書事

張林宗先生傳 王王屋傳

盛此公傳 書戚三郎事

卷之十九 書

與鏡菴書 與黃濟叔論印章書

與王先生書 與高康生書

又與高康生書 與汪舟次書

與陳琪園書 與王隆吉書

追報亾友黃漢臣書

東正堂集目錄
復何匡山書

卷之二十 尺牘

復高念東

與陳原舒

與何省齋

與黎媿曾

與帥君

與某

與陳龍季

與方與三

與高康生

又

又

又

與黃濟叔

又

又

又

又

答濟叔

又

與林鍊崖

又

與胡元潤

答范文白

復余澹心

與張宗緒

又

與吳冠五

答何省齋

與黃黃鶴

與倪闇公

與何次德

與張瑤星

又

又

又

又

又

與倪師畱

卷之二十一 引 書後

閩雪小引

北雪小引

陳香初詩小引

刻馬元御賦小引

周藩牛左史宮詞引

題楚西來傳小引 陳桐雨詩引

書丙申入閩圖後 書詩冊後與吳冠五

題高雲客詩 書程石門再遊燕臺詩

後 書徐氏所藏張林宗先

生舊稿

卷之二十二 題跋

題菊帖後

題與然大師畫冊前

題許有介急就帖

題陳章侯畫寄林鍊崖

跋顧少宰硃卷

跋黃心甫自敘年譜前

跋爲與三序詩後

題陳章侯畫與林鍊崖

題所作八分書寒鴉歌後

跋宋去損分書卷後

宋比玉臨董文敏各體十九首跋

爲林鍊崖題嗎啣吵國畫

題老蓮畫與王竹菴

題畫寄林鍊崖

題宋轅文藏淳化帖

卷之二十三

題跋

像贊

題黃濟叔摹泰山碑

徐存永鈔秦京詩集跋

題許子韶畫

題汪湛若臨摹黃素黃

庭後

題試雨茅弁急就帖

題鄭汝器藏李宋合作畫冊

題姚伯佑梅花筴子

題王東臯冊子

題許子韶郁李

題王東臯畫卷

題宋去損八分書羣鴉

寒話圖歌

題胡元潤畫冊

書馮幼將畫竹卷後

題徐青藤花卉手卷後

題蕉堂索句圖

又題蕉堂圖

又題蕉堂圖

又題蕉堂圖

題王若谷藏麻姑壇帖

題澠永和尚小像 題祝培之小像

題曹星子小像 題止菴和尚照

卷之二十四 祭文

祭福州城隍文 祭四人文

祭福建按察使司程公仲玉文

祭建寧司李君碩孫公文

祭汀州司李若義盧公文

祭毘陵吳儼若太翁文

祭王瑞芝太翁文 祭靖公弟文

附錄

年譜

小傳

神道碑

墓誌銘

墓碣銘

行狀

行述

秣陵于君杰

全書

蔣維章

金陵范翰伯精刻

賴古堂集目錄終

賴古堂集卷之一

浚水周亭
匪藤者

古樂府

出東門

出東門雨霏霏黃沙撲烏亂啼掉頭不飲酒驅我

病馬上大堤解一腰間弧矢鳴嚙齒解弓衣來朝城

南射虎今朝先射咄解二咄解兒日暮歌鐘娛

客白晝殺人爲嬉日色蒼蒼河流瀾瀾生死甚重

未可知解三日色蒼蒼河流瀾瀾生死不重未可知

疾歌慎莫悲能報仇知爲誰解四

出西門

出西門念所思今日不見君更復何之

一解欲高歌

高歌當及時何能黃髮台背蹙蹙靡所施

二解飲醇

酒呼所親但醉無所苦莫更道家貧

三解

歿壽亦不

惡長壽勿復嗔彈箏更飲酒趁今夕此身

四解自非

秦皇與漢武安能富貴更神仙即使秦皇與漢武

安能富貴更神仙

五解

人壽如金石金石亦可穿寄

語西隣兒好華不再繁

六解

今夕歌宿郎山呂正始天咫樓作

今夕何夕今明星煌煌今夕何夕今乃與美人同

堂芙蓉爲飾兮芝蘭爲妝芰荷爲衣兮薜荔爲裳

何接美人之窈窕兮乃使我掩袂而彷徨

今夕何夕兮鶴鳴九臯今夕何夕兮乃與美人同
輅吞玉華兮舞翠翹服霜散兮上雲霄何接美人
之欸欸兮乃使我氣結而鬱陶

今夕何夕兮飛鳥羣過今夕何夕兮乃與美人同
歌望高山兮山嵯峨顧流水兮水滂沱何接美人
之靄靄兮乃使我日暮而蹉跎

今夕何夕兮風雨颼颼今夕何夕兮乃與美人同
舟運居巢兮發清謳揮鉞銚兮撥箜篌何接美人
之咳唾兮乃使我慷慨而心憂

來日大難

來日大難冠敝履穿夢見故人云胡不歡一遡彼

嵩山求見神仙神仙嬖我多與金丹二解自惜路狹

彳亍蹒跚俯無溪履仰乏峩冠三解里巷雜杳雨雪

覆覆日暮舉火親戚長嘆四解健日常少衰日苦多

不能長年如彼愁何五解願見神仙乞藥一丸如王

子喬馭鶴驂鸞六解

汴上謠舟中馮伯宗述水沒
吾梁事演童子謠

肉糜饑者隨井
水爲之糜

莫苦饑飲肉糜但願井中曠休見轆轤轉

河決後民多有以書紙蔽體者

雲綃霧縠經衣史服

向河哭

向河哭風肅肅一聲能兼幾骨肉

野豕

亂後四郊多野豕有齒如錐

黑豕白豕人立啼躑躅躑躅去安歸吁嗟乎胡爲有齒利如錐

煑書

煑奇字去黑水蹒跚老蠹魚蝟蝟登土簋

煑皮

皮附篋筍者啓而食之形多龍鸞

篋上皮新剗味不如食指夜動烹鸞飪鳳

東家

藪藪莫哭東隣睨肉

招招舟子

饑聲蠅飽聲虎招招舟子逢彼怒

水耶

饑甚所擗上水至
濡首如是而已

人耶鬼耶濡吾首者水耶

紅蟲

紅蟲羊溝注瞋羣求紅蟲一掬青蚨兩斛

百粒珠

百粒珠千粒粟莫道粟子貴賤似鮫人淚

苦米

糞百
藥也

人亦有言勿藥有喜彼神農氏嗜此苦米

悲歌

丈夫學爲奇節兒女苦於饑寒莫學爲人但學爲

官攫金不誨盜猶得以廉名殺人寄他手猶得以
恕稱

上邪

上邪我欲與卿相知相知何時左癩右疵匪夷所
思炎炎被裘寒衫葛雨上天卿當與我合

老僕歎

老僕懷書字漫滅長跪視人人不接東向喁喁西
喋喋 辰趨曰未飾午趨曰甫食暮趨曰息 蛇
行鼠伏賄闇者納之馬廐非予之慎失入惟予疚
欲止不通去失此候日已暮日已暮宿將誰叩
三數見之囁嚅出書飾以貧賤豈常余申以生還

將報渠曰噓 僕方啓齒客錯愕吾之室垂橐吾
將勉圖之彼其之子涼且薄 途棘盍自匿爲主
爾宐力我人不復遣相知寧形跡惟予之心蒼者
識 急曰我不負逋緩曰彼不切膚恭以任之曰
吾實急彼急彼不自急吾 久之不來再趣僕僕
曰雨落復上豪門再往秦人得疾越人檣穎郎書
誠工鬼不激賞

懊儂歌

約誓不相離夢裏與歡遠儂意正可憐歡言夢是
反
歡詢儂小名婉轉不成吐愛歡枕上呼故意打鸚

鷓

背觀歡看書問字歡心駭讀書折一角畱待小姑

解

唾歡右耳言左者亦未識如何噲杳兒盡是儂胸臆

義烏行

有烏有烏名孝雀朝飛暮飛聲不惡烏不攫人人
思攫攫之道廣羅施椽間老烏倦羽進乃不知
還烏入絳速爰罹其足動益急蹙哀此烏鰲鯨
何來老雕謀老而聲噍舌饒於腹下翼且飄旁
有數烏聲噍噍欲往敵之畏彼臬爾畱衛此吾徒

吾徒我往招 爾烏往南爾烏往北爾烏往西爾
烏往東馳檄檄余朋府中列栢銅臺相風秦家桂
樹顏氏隧中城頭屋上但來莫計雌與雄 道逢
八九子且與俱回爾往亦不武不如率衆與俱來
羣烏來羣烏來勇者畢力智者畢才號天蔽一
蒼薄地逼九垓似有神者役羣儻 蒼鷹曰吁夥
頤烏合雖衆急則死鬪緩則離姑示之以飽颺終
將療我饑 鷹揚烏喜羣相告計失吾羣入蒼鶻
窮寇卽遁勿蠻觸大事應解老烏足 或言先啄
枝或言枝墮將復使誰擎或言并啄其絃或言絃
卽絕我不具指誰能解其足上之九嬰慘淡經營

機在於晴望洋而歎黑頭俄看雪數莖 挽鈴求
客客心必矜願學黃雀啣環致客爲公卿 壯士
突如高顴深目爰止瞻烏登木發伏吁嗟乎羣烏
彳亍救不足一手取之亦何速 羣烏曰都人果
異鷹慈聲上騰以此望人人以此應羣將集此公
之戟報之以百朋 一烏曰吁未必異鷹瞻吾之
屋機機發發趾高而直視其心將不可憑 一烏
曰彼夫何仇其靜以聽我聲徹天天不憐憐 壯
士掉臂見老烏不見羣烏客憐羣烏持錢贖之負
之趨反謂客曰我固慈氏不忍及其餘 烏非望
始張翅齒齒棹輒不敢前呶呀到地還復起回視

老烏目矐足動遙遙雨泣難自己 人心慈人心
慈吾道其終否老烏仁者終不死謀人不善引爲
恥 寄書與燕雀出入慎厥初人情不鷹卽此夫
同趨碣石礪吾喙吾將生食其肉啄其顛 羣烏
曰去吾將訴之吾家三跋日中烏明明照爾不能
逋譖譖今明明照爾不能逋

五言古

九日顧見山移樽同胡元潤望茱萸山

客裏逢重陽舟中獨兀首故人提壺觴辛苦爲子
壽好語亦傷心婉轉善爲誘 天子真聖明諫臣
有某某天不虐善良此事終當剖此酒出蘭陵吾

鄉所未有茱萸山在前其峰九十九不登茱萸山
且盡茱萸酒卽今在窮途忍使杯去手意在引予
醉較予多半斗酒盡片帆開已出夏鎮口回首望
故人醉眸引睇久多謝諸少年不如君忠厚

歲暮遠爲客嘉平廿四日賦

先師授我書黽勉敦其素可爲不可爲靜數平生
誤豺虎卽云驕微軀一已足所悲蔓引滋棘行無
良步枯木不忘華春風多曲護客從萬里來悲哉
歲已暮

清夜銀鐺急雙足苦交盤殘燈無完焰冷照鐵裏
癡借酒難自把殘書誰與攤北地不卑溼老人畏

下寒咄咄復咄咄所悲匪一端

南司北風高塞瑾成茅屋冷冷三數人歲寒共一族有足不得伸鐵衾雪滿剝聞爾數過從所悲我幽獨在難疾孔多良藥昧寒燠倩人施鍼砭復悲艾未蓄悲哉昔人言病死詎須哭

松下多悲風霜寒月皎皎歲宴客心難閉門賦窮鳥有翼不成飛入望江湖渺前路亦何修羈心空悄悄出門復幾時半歲鄉書杳唏噓復唏噓白雲天外繞

臘月廿四日是爲小歲辰有家不得返酌酒慰苦辛團團相對坐不識此何因起步向庭除甲士詈

申申企足望隣牆，獨客淚滿巾。
好言寄慰客，屈蠖終奇伸。
昭昭大化內，豈有私陽春。

雜詩

在昔趙襄子，見圍於晉陽。
圍罷辭殊庸，于次有相當。
上賞乃高赫，五臣咸怒張。
王曰：昔在厄，看人盡激昂。
在難而守禮，此意或難忘。
遠聞發聖歎，善賞者惟王。
力能使臣子，安危守其常。
哀彼憂患人，其心易爲傷。
所以鴟夷子，飄然雲水鄉。

我聞越石父，身爲羣垢叢。
忽然來上客，解驂贖其躬。
一朝脫羈勒，專車引與同。
白骨附良肉，枯雪煦溫風。
初不昧此感，久之識道窮。
登堂謝夫子，高厚

實難終身本赭衣子公卿敢復通屈者不知已信者未懵懵知己而無禮不如縲紲中

白雲書屋詠爲王望如作

王公意傲岸習苦有好顏昂首淥醺外獨愛白雲閒著書醉不輟酒致滿名山退尋堅閉戶陶然理貞艱因知彭澤意一鷗千載關

車不覆羊腸大道車能躡馬不困太行康莊馬乃跛王公獨醒者胡爲稱今醉揭覆亦何愚剗刀自云智拙訥謝君子齷齪徒爲累整襟坐白雲歡古不憔悴長跪讀君書調苦而心義

蒼狗與白衣是爲羣雲態斂性辨妍華五色不昧

昧王公少世情峻嶒雲外內一燈曳素燧書聲真
發鍵成書數牛腰破屋不能載慎莫出示人人能
唾我背

君家住黃山萬雲填一海作屋霄漢凌小儒望崔
嵬瑤華落人間褻食充人餒榻來臥蒿牀奇憂義
所詒閉牖理象陳平尋所以乃曲直橫古今局覆
了無悔剖籬望遙青白雲終不浼

有懷高康生蔚生

長者常上書少者閒抱膝出處雖不同爲養志則
一閉戶抗前修何者爲名實薜荔滿階庭秋風吹
素室肅肅紡聲中兄弟同吮筆

將樂玉華洞

金焦虎阜非不一望而盡然數往數令人思玉華洞奇幻濺沓至不可名狀然一過輒不欲往豈勞逸之殊歟抑顯與晦之有分耶閩人謂紫陽鍾武夷龜山鍾玉華彼武夷無論矣若鍾此幽晦詰曲而生共人殊可畏哉極知唐突名山遂欲開導遊者

天階尋玉華風急雲颯颯忽墮坎窞躑躅魚龍背萬石縱復橫意如敵所愾頽然或自放偃蹇亦無配勉強錫嘉名意到形斯在古雲結不流溪聲高處碎一燈夢相扶聲光全憤憤冥行更數武跛踣不可耐長揖謝遊人微衷多感慨安得煩五丁龍雷啓其昧劃然天地開爾我咸無礙朝瞰照八埏陽和滿一槩夕月映花酣長風吹大塊松栝白

石間篠箬蒼巖內杳杳與冥冥有餘於進退乃知
五嶽心不肯自晻曖悲哉陰翳兒偏欲求其晦

高二澄甫將別予遊閩悲予及見高還得五

十韵送之

高仲忠憲孫承家澹以泊努力事躬耕歲歲硯田
惡焚硯走四方恥爲詩書縛憶昔在大梁遇君古
蘭若琅玕照乘車鐘鼓和南籥雄文爛紫霞新詩
麗金釵塞菴張蝶菴陳師兩家大著作作進前爭譽

君爲聲不各各我時年甚少氣若魚龍躍大言不
賤貧與爾抵掌約談諧日淋漓學余餐餽飢一去
三十年返水盈復涸出處撫微躬難將鐵鑄錯生

死空躊躇恨恨兩齒齶山東與閩南君來舊然喏
慙愧仕宦心遇人一以薄分此蝸殼涎安能肉臞
鶴榻來被竹彈蜂蠆匪毒蠹緯繡其難遷銀鐺聲
索索多君不及餐買舟水自鑿只似向時來一錢
走京雒顧我頌繫中危途不少却飾哀爲好言奇
伸看曲蠖行將披蒼穹與公遊遼廓此言委曲爲
余不以爲謔 天恩緩一息雞燖迷湯鑊哀此須
臾人尸行憶魂魄新雨若盧中孤鴻號密繳叢棘
無燕飛况復鳴萬雀齊年憐我哀團團艾分灼時
時說兩師夢華東京昨使師生來此看君君無作
秋風動長安客子悲離瘼忽憶閩南人聞公信錯

愕我欲遊其間出公詩我橐見詩知公在父老得
半樂一往慰彼誠非只尋丘壑意中得闔人視公
不隔膜太息聞此言蓬根欲誰托洪塘無渡舟芋
原朝鳴柝霜滿射烏樓颶翻開元閣哀哀閩南民
有足無處著我友半泥途誰嗜黃領雁見君難問
君相與爲劔号寒雲滿芳崩楓葉迷大箬雁少夕
陽多孤帆何處落亂中行路難况是書生弱惟楚
州酒人見君應酬酢更逢黃石公寄言謝童霍

賴古堂集卷之一終